



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:02-49-1-2660-9/16

Datum: 28.09.2016.godine

Na osnovu člana 70. Zakona o javnim nabavkama Bosne i Hercegovine ("Službeni glasnik BiH", broj: 39/14), i Zapisnika o pregledu i ocjeni ponuda od 27.09.2016.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU

o izboru najpovoljnijeg ponuđača

I

Najpovoljnija ponuda za usluge u predmetu nabavke "Zimsko održavanje gradskih i prigradskih ulica za sezonu 2016-2017 godine na području općine Tešanj" po cijeni od 58.918,80KM (slovima: pedesetosamhiljadadevetstotinaosamnaest i 80/100 konvertibilnih maraka) bez uključenog PDV-a odnosno sa PDV-om 68.935,00KM (slovima: šedesetosamhiljadadevetstotinatridesetpet i 00/100 konvertibilnih maraka) je ponuda ponuđača JP "Rad" d.d. Tešanj.

II

Ponuda je dostavljena u otvorenom postupku javne nabavke koji je objavljen na Portalu javnih nabavki dana 25.08.2016.godine pod brojem:375-1-2-158-3-53/16, obavještenje o nabavci objavljeno u SL.glasniku BiH broj:65/16 dana 02.09.2016.godine, kriterij za dodjelu ugovora je najniža cijena.

III

Obavezuje se izabrani ponuđač da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Za realizaciju Odluke zadužuje se Služba za finansije, privredu komunalne i inspeksijske poslove općine Tešanj.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VI

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6.Zakona o javnim nabavkama.

Obrazloženje

Aktom broj:02-49-1-2660-2/16 od 24.08.2016.godine Općina Tešanj je donijela Odluku o provedbi postupka javne nabavke za usluge "Zimsko održavanje gradskih i prigradskih ulica za sezonu 2016-2017 godine na području općine Tešanj", odabran je otvoreni postupak, koji je objavljen na Portalu javnih nabavki 25.08.2016.godine pod brojem:375-1-2-158-3-53/16, obavještenje o nabavci objavljeno u SL.glasniku BiH broj:65/16 dana 02.09.2016.godine, kriterij za dodjelu ugovora je najniža cijena.

U ostavljenom roku za dostavu ponuda pristigla je samo 1 (jedna) ponuda i to ponuda od JP "Rad" d.d. Tešanj. Komisija za javne nabavke imenovana rješenjem Općinskog Načelnika broj:02-49-1-2660-

4/16 od 19.09.2016.godine izvršila je dana 26.09.2016.godina javno otvaranje ponude o čemu je sačinila Zapisnik sa otvaranja ponuda i isti prosljedila ponuđaču.

Komisija je na zatvorenoj sjednici izvršila provjeru formalne ispravnosti sadržaja pristigle ponude, te ustanovila da je pristigla ponuda formalno ispravna (sadržajno kompletna i ispravnog sadržaja) i da se kao takva može ocjenjivati u skladu sa zahtjevom za dostavu ponuda.

Komisija je izvršila rangiranje prihvatljive ponude prema kriteriju za izbor ponuda (najniža cijena ekonomski prihvatljive ponude) te sačinila konačnu listu ponuda, rangiranu po cijeni ponuda i utvrdila da je JP "Rad" d.d. Tešanj jedini ponuđač za predmetnu nabavku a cijenom svoje ponude je prihvatljiv za ugovorni organ.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:08-49-1-2660-8/16 od 27.09.2016.godine), da se u predmetu javne nabavke usluga "Zimsko održavanje gradskih i prigradskih ulica za sezonu 2016-2017 godine na području općine Tešanj", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za usluge u predmetu nabavke, određuju ponuda ponuđača JP "Rad" d.d. Tešanj, te da se sa istim zakluče ugovori u skladu sa ponudom navedenog ponuđača za usluge predmetne nabavke.

Shodno navedenom, Ugovorni organ je u predmetu javne nabavke "Zimsko održavanje gradskih i prigradskih ulica za sezonu 2016-2017 godine na području općine Tešanj", odlučio da izabere najprihvatljiviju ponudu ponuđača JP "Rad" d.d. Tešanj, po cijeni 58.918,80KM bez PDV, odnosno 68.935,00 KM sa PDV, te će se sa istim nakon ispunjenja obaveza iz ove Odluke, zaključiti ugovor za pružanje usluga predmetne nabavke.

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđač x 1,
2. Služba za finansije, privredu komunalne
i inspeksijske poslove općine Tešanj,
3. Predmet.

Suad Huskić



Suad Huskić
Mr.sc. Suad Huskić, profesor